

Ա Ր Չ Ա Ն Ա Գ Ր ՈՒ Թ Յ ՈՒ Ն ԹԻՎ 06/02

ք.Երևան, Արշակունյաց 5.417 սենյակ

20.05.2017թ. ժամը 15.15

Համաձայն, 21.04.2017թ-ին «Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ» ՓԲԸ-ից՝ «ՍԳԿԿ» ԻԿԿ-ում ստացվել է թիվ 17/17-04 գրությունը «Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ» ՓԲԸ-ի սնանկության գործով ժամանակավոր կառավարիչ՝ Գևորգ Ֆելիքսի Գևորգյանի գործողությունների/անգործության/ նկատմամբ կարգապահական վարույթ հարուցելու և պատասխանատվության ենթարկելու մասին, դիմումում նշված փաստական հանգամանքների քննության և սնանկության գործով կառավարիչի վարքագծերի վերաբերյալ, կարգապահական վարույթ հարուցելու համար, 11.05.2017թ-ին հրավիրված «ՍԳԿԿ» ԻԿԿ Կարգապահական չկայացած և 20.05.2017թ-ին ժամը 15.00-ին հետաձգված, հանձնաժողովի նիստին.

ԾԱՆՈՑՎԱԾ ԷԻՆ՝

Հանձնաժողովի անդամ՝ Հենրիկ Մարտիկյանը
Հանձնաժողովի անդամ՝ Արմենակ Ադամյանը
Հանձնաժողովի անդամ՝ Հարություն Գևորգյանը
Հանձնաժողովի անդամ՝ Ռուբեն Խալաթյանը
«Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ» ՓԲԸ-ի սնանկության գործով ժամանակավոր կառավարիչ՝ Գևորգ Ֆելիքսի Գևորգյանը:

Դիմումատու՝ «Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ» ՓԲԸ-ի տնօրեն՝ Ս.Երոյանը :

ՄԱՍՆԱԿՑԵՑԻՆ՝

Հանձնաժողովի Նախագահ՝ Տիգրան Հարությունյանը
Հանձնաժողովի անդամ՝ Արմենակ Ադամյանը
Հանձնաժողովի անդամ՝ Հարություն Գևորգյանը
Հանձնաժողովի անդամ՝ Ռուբեն Խալաթյանը
«Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ» ՓԲԸ-ի սնանկության գործով կառավարիչ՝ Գևորգ Ֆելիքսի Գևորգյանը:
Դիմումատու նույն ընկերության տնօրեն՝ Ս.Երոյանը պատշաճ ծանուցված էր նիստի տեղի և ժամի վերաբերյալ, բայց նիստին չէր ներկայացել:

ՕՐԱԿԱՐԿՈՒՄ

«Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ» ՓԲԸ-ից՝ «ՍԳԿԿ» ԻԿԿ-ում ստացվել է թիվ 17/17-04 գրությունը «Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ» ՓԲԸ-ի սնանկության գործով ժամանակավոր կառավարիչ՝ Գևորգ Ֆելիքսի Գևորգյանի գործողությունների/անգործության/ նկատմամբ կարգապահական վարույթ հարուցելու և պատասխանատվության ենթարկելու մասին, դիմումում նշված փաստական հանգամանքների քննության և սնանկության գործով կառավարիչի վարքագծերի վերաբերյալ, կարգապահական վարույթ հարուցելու հարցը:

ԼՍԵՑԻՆ – Հանձնաժողովի նախագահ՝ Տիգրան Հարությունյանը ներկայացրեց ստացված Գրությունը կից փաստաթղթերը և սնանկության գործով կառավարիչ՝ Գ. Գևորգյանից ստացված դիմումի պատասխանը և կից փաստաթղթերը, առաջարկեց հանձնաժողովի անդամներին քննարկել սնանկության գործով կառավարիչ՝ Գևորգ Ֆելիքսի Գևորգյանի նկատմամբ կարգապահական վարույթ հարուցելու հարցը:

Հանձնաժողովի անդամները քննարկեցին հարցը ,մասնավորապես հանձնաժողովի անդամ Ա.Ադամյանը հայտնեց այն կարծիքը,որ ներկայացված դիմումում դիմումատուն փորձել է ներկայացնել սնանկության գործով ժամանակավոր կառավարչի և նախկինում որպես փաստաբան հանդես եկած նույն մարդու գործարար կապը պարտատեր ընկերության հետ, որպես կառավարչի էթիկայի կանոնների խախտում,որի մասին կառավարչը պետք է հայտնեք ինքնակարգավորվող կազմակերպությանը/էթիկայի Կանոններ՝ 8-րդ հոդված,2.7 կետ/:

Դիմումատուն հաշվի չի առել,որ նույն հոդվածը սկսում է.

- Կառավարչի պարտավոր է հաղորդել Ինքնակարգավորվող կազմակերպությանը բոլոր փաստերի մասին,որոնք կարող են ազդել սնանկության գործում նրա անկողմնակալության վրա,ինչպիսիք են.....:

Եթե կառավարիչը տարակույս ունի սնանկության գործում իր անկողմնակալության հարցում նշված հանգամանքների հնարավոր ազդեցության առթիվ,ապա նա պարտավոր է այդ մասին հայտնել Ինքնակարգավորվող կազմակերպությանը:

Վերլուծելով կանոնը հասկանալի է դառնում որ կառավարիչը պետք է կասկածի կամ պետք է ունեա տարակույս,որ իր նախկին գործարար կապը կարող է իրեն խանգարել վարելու այդ գործը և լինել անկողմնակալ,որպիսի դեպքում միայն նրան պարտադրվում է հայտնել այդ տարակուսանքի կամ կասկածանքի մասին՝ Ինքնակարգավորվող կազմակերպությանը:

Տվյալ դեպքում Գ. Գևորգյանը հանդիսացել է «Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ»ՓԲԸ-ի սնանկության գործով ժամանակավոր կառավարիչ և կատարել է ընդհանրում մի գործողություն՝ գրությամբ տեղյակ է պահել պարտապան ընկերությանը սնանկության դիմումի և այդ փուլում պարտապանի պարտականությունների վերաբերյալ և ստացել է պատասխան որ պահանջը անբողջությամբ բավարարված է:

Այլ գործողություններ ժամանակավոր կառավարիչը այս դեպքում չի կատարել և նրա անաչառության մասին քննարկելու նյութ չկա:

Հանձնաժողովի նախագահ՝ Տ.Հարությունյանը համաձայնեց արտահայտած կարծիքին և ավելացրեց,որ համաձայն «Կարգապահական վարույթի անցկացման Կարգի» 2-րդ կետի համաձայն.

-Կարգապահական վարույթներ հարուցվում են հետևյալ պայմանների առկայության դեպքում՝

ա/...

բ/...

գ/Բոլոր պետական և տեղական ինքնակառավարման մարմինների ինչպես նաև ցանկացած իրավաբանական և ֆիզիկական անձանց դիմումների հիման վրա:

Սույն կետի /գ/ ենթակետի հիման վրա կարգապահական վարույթներ հարուցվում են միայն,դիմումատույի օրենքով երաշխավորված իրավունքների խախտման փաստի առկայության պայմաններում:

Այսինքն դիմումատուն այս դեպքում հանդիսանում է իրավաբանական անձ և նա պետք է ապացուցներ ներկայացնել կամ նշել թե իր օրենքով երաշխավորված որ իրավունքն է խախտել սնանկության գործով կառավարչի էթիկայի այս կամ այն խախտումը:

«Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ»ՓԲԸ-ի տնօրեն՝ Ս.Երոյանը,նման նշումներ չի արել և չի վկայակոչել ոչ մի փաստ, որ սնանկության գործով ժամանակավոր կառավարիչ՝ Գ. Գևորգյանի,նախկինում պարտատիրոջ հետ ունեցած գործնական կապը ազդել է կառավարչի անաչառության,անկողմնակալության վրա և դրանով խախտվել է իր կամ իր ղեկավարած կազմակերպության որևէ օրինական շահ,ավելին նա իր բերած փաստերով և կատարած վճարումով ապացուցել է,որ պարտատիրոջ հանդեպ իսկապես ունեցել է ժամկետանց պարտավորություն,որը մարել է,այսինքն սնանկության վարույթը հասել է իր տրամաբանական ավարտին,օրենքով սահմանված կարգով:

Ինչ վերաբերվում է դիմումատույի այն պահանջին,որ բերված փաստերի հիմքով սկսել կառավարչի որակազրկման գործընթաց,ապա նշեմ,որ նման գործընթացի սկիզբ կարող է հանդիսանալ օրենքի խախտումները այլ ոչ թե առանց որևէ մի ապացույցի մտածածին տարակուսանքները, որը չի կարող մինչև անգամ կարգապահական վարույթ սկսելու հիմք հանդիսանալ:

Հանձնաժողովի անդամ՝ Ռ.Խալաթյանը և Հ.Գևորգյանը նույնպես համձայնեցին այն մտքին, որ դիմումի փաստական հանգամանքները ուսումնասիրությունից հետո պարզ է, որ դրանք բավարար չեն կարգապահական վարույթ հարուցելու համար:

Հանձնաժողովի նախագահ՝ Տ.Հարությունյան առաջարկը դրեց քվեարկության՝

ՔՎԵԱՐԿՈՒԹՅՈՒՆ՝

Կողմ - 4

Դեմ - 0

Չեռնայախ - 0

ՈՐՈՇԵՑԻՆ՝ 1. «Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ» ՓԲԸ-ից՝ «ՍԳԿԿ» ԻԿԿ-ում ստացվել է թիվ 17/17-04 դիմումի հիմքով «Ակադեմիկոս Ի.Վ.Եղիազարյանի անվան ջրային հիմնահարցերի և հիդրոտեխնիկայի ինստիտուտ» ՓԲԸ-ի սնանկության գործով ժամանակավոր կառավարիչ՝ Գևորգ Ֆելիքսի Գևորգյանի գործողությունների/անգործության/ նկատմամբ կարգապահական վարույթ հարուցելու մերժել՝ «Կարգապահական վարույթի անցկացման Կարգի» 2-րդ կետով սահմանված փաստերի /ապացույցների/ բացակայության պատճառաբանությամբ:

Հանձնաժողովի նախագահ՝ Տ.Հարությունյան

Հանձնաժողովի անդամ՝ Ա.Աղամյան

Հանձնաժողովի անդամ՝ Ռ.Խալաթյան

Հանձնաժողովի անդամ՝ Հ.Գևորգյան